



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ამბარა



ამბარა, სოფელი გუდაუთის მუნიციპალიტეტის მგუძირხვის თემში, (აფხაზეთის არ), შავი ზღვის ნაპირას, მიუსერის კონცხზე. ადგილმნიშვნელობის კურორტი. ზ. დ. 80 მ, გუდაუთიდან 13 კმ.

ამბარას სამეკლესიანი ბაზილიკა VII–VIII სს.

ა-ში შემონახულია ადრინდ. შუა საუკუნეების ქართ. ხუროთმოძღვრული კომპლექსი – ეკლესია (VII–VIII სს.), ზღუდე (შუა საუკ.) და სამოქალაქო შენობათა ნანგრევები (X ს.). ტლანქად დამუშავებული ქვის კვადრებით შემოსილი ეკლესია, რ-მაც ჩვენამდე თითქმის პირვანდელი სახით მოაღწია, ე. წ. სამეკლესიანი ბაზილიკის ტიპის ნაგებობაა. დას. მხარეს ორსართულიანი ნართექსი და პატრონიკეები აქვს. მთავარი ნავის გადამხურავი კამარა გვიანდ. შუა საუკუნეებშია აღდგენილი (კვლავ დაზიანებულია). ა-ის სამეკლესიანი ბაზილიკა მნიშვნელოვანი ნიმუშია ამ ტიპის არქიტ. ძეგლთა შორის.

ა. ამჟამად ოკუპირებულ ტერიტორიაზეა.

ლიტ.: Р ч е у л и ш в и л и Л. Д., Некоторые аспекты грузинской архитектуры Черноморского побережья, წგ.: Средневековое искусство. Русь. Грузия, М., 1978.

ლ. რჩეულიშვილი
